

CANTIK

EVIT

CONSECRATION ILIS GARLAN
D'AR 26 A VIS EOST 1879

Savet oc'h euz, Garlaniz,
Eun ty caer d'ho Toue,
Dudius eo an iliz,
Testeni euz ho fe ;
An oll vein a zo ennnhi
A zo mein precius,
Gant calonou Breizidi
Renket var dro Jesuz.

DISKAN :

Crenit, crenit, pobl fidel,
Ha stouit d'an douar ;
An Doue zo eternel,
A zisken euz e c'hloar
Evit chom en ho touez
Evel ar guella Tad,
Deut ta d'oc'h iliz parrez
D'hen adori timad.

Oc'h Escop a deu hirio
Da guinig an ty-ma
Da Zoue, en oc'h hanoo ;
Doue zeuio ama :
Ha gant Doue zeui ouspen
Seiz tenzor a zo braz,
Zo leve ar bobl christen
Sinet d'heomp var ar groaz.

Ama divar an auter
Eienen ar vuez,
Seiz sacramant hor Zalver
En em zilo bemdez
'Vel sez feunteun burzodus
Da roi an dour zantel,
A redo var gomz Jesus
D'ar vuez eternel.

Digorit dor an envou,
Savit en eur dridal
Da gaout perz en ho kuiriou
E teu eur roue all ;
Varzu ennoc'h eur buguel
Evel eun aelik coant
A zigor e ziouaskel
E fount ar Vadiziant.

C'houi a zaoubleg gant glac'har
Dindan sam ho poaniou,
Da Varadoz an douar
Deut da gaout hon Autrou,
N'ho peuz na poan nag anken,
N'ho defe diguemer :
Meulomp eta. Christenien,
Sacramant an auter.

Disken a ra e calon
Ar c'hrouadur paoura ;
Jesus eo guella mignon
An den an distera
Ha da vele ar c'hlavour
Achan e tjredo
Jesus, evit hen sicour,
Dirag spont ar mero.


Ama dre ar binnigenn
Eun anzao calonek
A denno a uz d'ho penn
Dorn zantel ar belek :
« Hervez oll galloud Doue
« Ha deuz oc'h izomou
« Va map, me ro d'oc'h ene
« Pardon ho pec'hejou. »

Evel gant e Iliz c'hoaz
Jesus zo unanet
Eur sacramant meurbet braz
A unan daou bried :
'Vit kendale'h ar gristenien
Hag ho zilvidiguez
E cavint guir ha lezen
Dre ar briedelez.

Cetu en dra-ma vevo,
Darn euz gracou peb den,
Mæz c'hoaz goude ar maro,
Doue zo e berc'hen :
Kent evit mont d'ar veret,
Relegou peb unan,
Aman a vezou douguet
Da bedi evinhan.

Hervez comz an abostol,
'Vel dindan tron Doue,
E ma eskern ar Zænt oll
O veuli hon Roue,
Ama var dost d'an auter,
E beiou ho tud cos
Da c'hedal deiz ar Barner,
E iaffoc'h da repos.

Carit eta, pobl Garlan,
Iliz caër ho parrez,
En levenez hag e poan,
Deut ennhi aliez,
Selaouit ho peleien
Zo cannadet Doue.
Digasset d'eoc'h d'ho kelen
Ha da zivoall ho fe.



C A N T I K

EN HENOR D'AN ITRON VARIA GARLAN

DISKAN :

Ni ho salud gant levenez,
Guerc'hez Vari, hor patronez,
Scuillit 'vel meur a gant vloaz-so,
Ho pennoz varnomp hag hor bro.

Evel e Nazareth, guechall,
Pa ho poa Jesus da zivoall,
Ni a fell d'heomp lakat hirio
Ty hon Doue en oc'h hano.

Kinnigomp eta, Garlaniz,
D'hor mam hegarad hon Iliz,
Daoulinomp d'he zrugarecât,
Nag hi zo caër ! nag hi zo mad !

Pa zell ouz skuer ar guerc'hezet
Goude ma hen deuz he c'hrout
Ractal e lavar ar C'hrouer :
Ne m'euz crouet netra ken caer.

A uz d'e c'havel o nijal,
Clevit an ælez o tridal,
Hag o cana gant eur joa vrás,
Ni ho salud, o leun a c'hras.

Evel ar bleun er parkeier
Merc'h ar Roue braz a zo caer,
Caeroc'h evit al lilien
Flamm digor ebarz en draonien.

Ar verelaouen skedussa,
Pell dreist ar c'houmoul ho para,
A gavan heb skeud na sclerder,
Dirazoc'h, o Guerc'hez seder.

Etoez ar spern vel eur rozen,
Dispak e deliou rôz ha guenn,
E kreske Mari mam Doue,
Diveza scour a voenn Jesse.

Ar c'homzou an dudiusa,
Doussoc'h vit ar mel an doussa,
A goueze euz he guinou,
Da laouennât ar c'halonou.

Nag hi voa caer en he glac'har,
Pa bignas var menez Calvar,
Gant guir rann-gallon e vriad,
Croaz he mab ruziet gant ar goad.

D'he vam Jesus arog mervel,
A ro peb christen da vuguel,
Na hell respont dre ma voele,
Abaoue omp d'hei bugale.

Leun a c'hened, a garantez,
A zouster hag a vadelez,
Evelse voa var an douar,
Oh ! nag hi zo caeroc'h er gloar.

Douguet dreist an oabl alaouret
Corf hag ene gant an ælet
E maï an dosta da Jesus
Var eun trôn meurbet luguernus.

Guelet 'ran var e c'hurunen
O luc'hi daouzec stereden,
Ha tud Garlan salvet gant hi
A velan stouet d'he meuli.

Mari, cassit eun deiz d'an Eè,
Gant hon tud coz, ho bugale
Ha ni a gano deiz ha noz
Peguen caer oc'h er baradoz.

IMPRIMATUR :

Corisopiti die, 20 augusti 1879,

J. JÉGOU,

Vic.-Gén.

